

From: Unit Komunikasi Korporat
Sent: Tuesday, July 24, 2018 2:35 PM
To: UUM - All Staff; UUM - All Students
Subject: Fahami Falsafah Untuk Martabatkan Ilmu Dan Institusi Pendidikan



Unit Komunikasi Korporat
CORPORATE COMMUNICATION UNIT
Universiti Utara Malaysia

24 JULAI 2018 / 11 ZULKAEDAH 1439H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nordiana Shafiee

Gambar oleh: Muhammad Shamsul Shafie

FAHAMI FALSAFAH UNTUK MARTABATKAN ILMU DAN INSTITUSI PENDIDIKAN



UUM ONLINE: Mengetengahkan tajuk *Institutional Leadership In Realising The Philosophy Of Education* (FPK 1996), Prof Tan Sri Dzulkifli Abdul Razak berkongsi pandangan beliau tentang Falsafah Pendidikan Negara (FPK) dalam memartabatkan ilmu dan institusi pendidikan khususnya.

Beliau yang merupakan Pengerusi Lembaga Pengarah Universiti Sains Islam Malaysia (USIM) berkata, sebagai kakitangan di sebuah universiti atau institusi pendidikan seharusnya mengetahui tentang falsafah yang dibawa supaya dapat diterjemahkan dalam bidang pekerjaan yang dilakukan.

Menurutnya, dalam FPK menekankan tentang usaha mewujudkan insan yang seimbang dan harmonis dari aspek intelek, jasmani, emosi dan rohani.

"Semua aspek ini adalah berdasarkan kepercayaan dan kepatuhan kepada Tuhan dan ia adalah satu usaha berterusan bagi melahirkan rakyat Malaysia berilmu, berpengetahuan, berketerampilan, berakhlak mulia, bertanggungjawab dan berkeupayaan mencapai kesejahteraan diri serta memberi sumbangan terhadap keharmonian dan kemakmuran keluarga, masyarakat dan negara," ujarnya.

Beliau berkata, pentingnya falsafah dalam setiap organisasi untuk dijadikan sebagai panduan kepada golongan pendidik dan pelajar dalam mengendalikan institusi pendidikan sekarang.

Learning Series Talk 6/2018 tersebut dianjurkan Pusat Pengajaran Pembelajaran (UTLC) bertujuan untuk perkongsian ilmu, kepakaran dan pengalaman dalam kepimpinan institusi pendidikan.

Sementara itu, Timbalan Pengarah (Teknikal) UTLC, Dr Izwan Nizal Mohd Shahraneer yang mewakili Pengarah UTLC berkata, sesi syarahan tersebut diharap dapat membantu meningkatkan kualiti pengajaran dan pembelajaran dalam usaha mengubah pemimpin masa hadapan dalam bidang pendidikan.

Katanya, sesi ini juga menjadi platform kepada pihak pengurusan dan ahli akademik untuk berkongsi kepakaran dan pengalaman serta mewujudkan kolaborasi idea dan perspektif dalam kepimpinan institusi pendidikan.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
☎ 04-928 3048/3049/3052/3061
☎ 04-928 3053
✉ ukkuum@uum.edu.my
f Universiti Utara Malaysia (Official FB)



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.